




a Enrico Di Prampero

*Al è lât in pension un dai plui acanîts
sostenidôrs de Universitât dal Friûl*



Il professôr Di Prampero intun
dissen di Gianni Di Lena

La Facoltât di Sciençis Motoriis de Universitât dal Friûl – che e ten i siei cors a Glemona – il mês passât e à finit dis agns, e tal celebrâ cheste impuantante ricorince e à cjakât anche la ocasion par saludà il professôr Pietro Enrico di Prampero, tra i fondadôrs dal cors e par un grum di temp so president, e che cul prin di Novembar si è ritirât in pension.

LA CUVIGNE Par fâi onôr a chest fisiolic udinés di fame mondial, e storichementri un dai plui acanîts sostenidôrs de Universitât dal Friûl, e je stade organizade une cunvigne internazional tal cine di Glemona, ai 7 e ai 8 di Otubar, sul teme de ricerche inte fisiologie dal fâ moviment e sui limits de prestazion umane.

Ae cunvigne – intitulade «Exercise physiology and the limits of human performance» – a son intervignûts studiôs e ricerjadôrs des plui impuantantis universitât e centris di ricerche di Canadà, Gjermanie, Gran Bretagne, Slovenia, Stâts Units, Svezie e Svizare (cualchidun di lôr al jere stât anche student propit dal professôr Di Prampero), e anche un grum di students dal cors.

A saludâ i ospits e a vierzi i lavors de cunvigne – promovude dal dipartiment di Sciençis e Tecnologijiis Biomedichis de Facoltât di Medisine e Chirurgie, dal cors di lauree in Sciençis Motoriis e de Scuele di Specializazion in Medisine dal Sport – a son intervignûts il president dal consei dal cors magistrâl di Sience dal Sport Guglielmo Antonutto, la retore di Udin Cristina Compagno, il preside de facoltât di Medisine e Chirurgie Massimo Bazzocchi, e il sindic di Glemona Paolo Urbani.

NOME INTERNAZIONÂL Le nomee dal professôr Di Prampero e je leade a un lavor di plui di 45 agns che al à viodût il miedi udinés confermâsi tra i plui preseâts esperts dal mont tal setôr de fisiologie dal esercizi, de biomecaniche e de bioenergetiche muscolâr. A lui – tra l'altri – i va il mert di vê crâet il centri di eccezionali MATI (Microgravity, aging, training and immobility) e il laboratori di fisiologie dal esercizi, dôs realât di impuantance internazional de Universitât dal Friûl, che cun lui e je anche in debit pal impegn spindût par fâ nassi il cors di Sciençis Motoriis e Sience dal Sport e par fâ cressi la facoltât di Medisine. Tal so curriculum impressionant, anche l'incaric – tignût par agns – di «chief editor» dal «European Journal of Applied Physiology», une des rivistis científichis plui impuantantis dal mont in chel setôr.

ATENZION PE LENGE FURLANE Di là di cheste cariere biele e luminose, che e à dât lustri a dute la nestre region, il professôr Di Prampero in plui ocasions si è anche dimostrât atent e sensibil al teme de lenghe furlane, rindinsi anche disponibil a doprà la marilenghe inte Universitât, come che nus veve confermat su la Patrie di Lui dal 2009 il so student Gianni Stelitano di Codroip.